

人物 孝友

士君子誼竺倫常不求表襮望實允洽薄俗自敦功令旣旌其門復祀之於祠非所以昭激勸哉然闡幽發潛責在載筆雖褒揚未及而著錄必詳式是朝章網羅散失亦紀述之義也謹次乾嘉以來孝友者若而人以續前志之敦行至於冒刃衛親慘罹賊酷別見忠義不復綴編焉

楊銓

祖國弼王文德埭

從祖肅鳴

黃以旂

葉怡

汪炯

王家棚

胡昭

汪玉堂吳舜年

馮原高澤瀛

李桐

湛命夔

夏泉王建初

張光裕

倪之鑑

陳寶泰

傅哲馮宏松

王元鏞

鄒彝

趙經品

劉長信

甘福

弟遐年

汪熙

孫繼聲

馮鑑泉

張長鈞

父慶闡

宗人博遠

周禮

吳祖新

倪士極

周儀鳳 陶自超

毛在轍 芮鴻 嚴世齡 湯家

蔣襄培 李國器 王錦翰 煥芳 趙鴻 王長駕

王景芬 弟景琛 周椿年 本源

王肇元 蔡懋鏞 翁模墉

任汝霖 父濬 宗人鎔 徐建中

蔡琳 朱以均 恩海

張為玉 倪某 孟翁

徐世清 林兆熊 汪傳授

郭世仁 田克勤 張金和

丁淑 濮陽鑾 吳上恩 鳳池 王汝培

魏重熙 大琦 杭毓長 嚴肇

崔文杰 子有年 陳學濂

侯永檜 王執中 王鳳采

李鵬年 弟鵬高鵬萬

周大恩 子嘉楫 俞存恩

楊盈科 廷煒

徐懷豫 張儉端

楊銓字俊衡號衡齋江甯人祖國弼字學舒天性樸厚好學不倦

鄉里以篤行君子稱之著有晚香軒集從祖肅鳴字韻和性狷介

取予不肖皆諸生銓性誠懇屢久我克盡其忠而
代夢神大書一救字示之遂愈與弟友愛無間言母本好善銓因
先意承志如救生局同善堂以及救疫振災諸善舉皆與經畫所
講儒先正學務在力行士林稱為楊夫子同學將以優行舉力辭
遂以縣學生終著有易學史證一貫春秋集評日記善言選輯載
道集古詩雅正續選幽光初二集道光八年以孝 旌門

銓有僕王文德

母病刲股以進銓孝之
所感也 采文徵縣志

黃以旂字蛟門江甯人居柏川橋側父積家產數千金歿後五子
均分而以旂以長男不與以旂無怨色事繼母待異母弟皆極友
愛既補諸生貧甚常為童子師自給蓋冬無裘夏無帷者三十餘
年然一介未嘗取諸人道光元年當事將以孝廉方正薦不果生
平工詩精麻算年六十五卒著有憶書軒集同時葉怡字耳山上

元諸生與以旂不相知而行相似課徒所入僅足自給不畜妻子
謂有室家則將求人故不爲也其遺書有燕石序詞意奇詭又上
元汪炯字朗園一字也樵居雞鳴山麓父冠字雲鵬諸生炯少孤
事母孝終身不娶恐婦不能順母志也母亾衰經不除人有稱其
孝者輒流涕晚號白門歎漢子著有桃花邨人詩集炯同縣王家
桷字子餘少孤奉母孝操履謹篤事不問長者不敢行旣補諸生
沈潛於學以勞瘁得咯血疾懼爲母憂諱不言及母卒痛益深旣
免喪遂卒年三十二貧不能娶無子

采因寄軒
粉櫟錄

胡昭字孟宣號雪舫上元人幼從叔父本淵遊

本淵事見前志篤志爲學

充嘉慶辛酉拔貢自顧家計日迫父力有所未逮乃橐筆遊京師
五年歸則母端木氏喪明得昭在側起居乃適母沒事父益竭力
及丁父憂哀毀踰禮遂以瘵卒時以善侍疾稱者江玉堂上元諸

生母病狂易喜怒無常王堂委曲侍奉至老不怠
侍親疾十二年不就館於外李桐字養和江甯人侍母疾衣不解
帶者三年吳舜年上元人業醫母病風痺舜年扶掖供奉數十年
無間高澤瀛字蓬仙江甯人家貧傭書將母母陳毅女也老而病
風痺臥牀蓐者十餘年澤瀛年四十未昏炊爨澣濯以子而婦無
勑容好許氏學下筆皆用洙長書故不利於制舉惟鶴山馮啟綦

亟賞之

采詩匯
縣志

湛命夔上元人性至孝事繼母尤謹父卒撫異母弟命誥命華成
立善鑑衡識易長華兄弟於窮困時目爲大器且以女妻長華俾
讀書致通顯焉同時夏泉字玉亭江甯人少孤貧事母孝教兩弟
嚴而有恩嫁女弟二竭力贈奩以博母歡苦志力學嘉慶九年舉
於鄉選六安州學正未上卒張光裕字小渠上元人四歲而孤母

王撫教之長補諸生性方嚴義不苟合家貧奉母能得歡心爲文苦思常廢寢食年三十二而卒光裕同縣有王元字建初父早卒事母及生母皆孝爲縣學生課徒以養衣服器具或潛送質庫中供甘旨費暇則嬉戲於母前如兒時兩母忻然竝忘其貧子庭字硯香亦諸生

采縣志詩匯及曹士蛟燼餘草

倪之鑰字德源號寶泉江甯人居磊功巷與孝子郭鴻衡字相望

鴻事見前志

事母及繼母皆以孝聞嘗刲臂療親友愛昆弟無閒言尤

好贍卹親族家素裕竟以此匱乏鄉黨稱爲善士道光四年以孝

旌門一里中二坊竝峙焉同時刲臂救親者上元陳寶字寶田

孝子圻之子也

圻見前志

與妻王皆篤孝著有孝史彤史同縣管同序

之傳哲字子明亦上元人嘗三刲股療親疾親歿哀泣盡禮王元

泰字東山江甯人母尉遲邁篤疾元泰刲左臂肉和藥其子松茂

見之亦割左手指肉投藥爐以進病遂愈當塗馬松字秀山上元人父永祿字天益性純篤析產時以田宅讓諸兄宏松能體其志竭力娛親父年逾百歲建坊里門繼母疾割股愈之子鶴年事見義行傳鶴年子鏞字聲揚國子生友愛諸弟常出私囊濟其急而不以告人

據因寄軒集縣志及采訪

鄒彝字明川江甯人父榕遊蜀三十餘年不通音問彝一日謝家人往訪之至成都不見見其故人告曰尊人去此久矣問以地謝不知遂渡桔柏踰五漫徒步走七月乃至達州適邨民有會事皆裹白巾白巾者蜀俗所謂諸葛持服也俄見一老人朱纓至曰此吾父也趨前伏地以父呼其人大驚扶掖既相問良然相持大痛不已遂迎歸盡孝養者十餘年同時趙經品高淳人幼貧父賢中避讎而逃經品稍長詢知泣曰天下豈有無父之子尋至山東得

父骨以歸葬又劉長淳字法乾句容人父賈數千里外無音問徒

步往尋之歸朝夕侍奉鄉里稱爲劉孝子

采因寄軒集及高淳句容采訪冊

甘福字德基號夢六江甯人事親善養志父年甫六十卽請屏謝

家事頤養自娛父卒泣謂諸弟曰人子事親不越生養葬祭吾憾

未能顯揚今若葬不得所罪益大矣遂精究地學徧厯山川不避

寒暑竭力營葬於墓側建享堂置祭田桐城姚鼐紀其事母患肝

疾百計求醫沒後茹素不入寢室者三年其主持家政嚴而有法

無纖毫私積諸弟亦事兄如父無事不稟命而行嘗捐千金爲族

人建宗祠於始祖敬侯墓側錢塘吳錫麒爲文紀之並於祠東建

節孝祠以祀族之孝子節婦而設義塾延師以課族子弟之貧者

族人多業農嘉慶十九年大饑出米麥四百斛賙之復捐六百元

襄辦義振自是凡遇水旱無不慷慨施予又於是歲倡捐五百金

烈山三山營龍潭各險增設分局而歸於城內長樂渡總局以綜其成已而龍潭局費絀復捐五百金助之賴以不墜餘如卹發育嬰痊旅諸善舉皆踴躍仗助道光十二年以濬秦淮工竣議敘得按察司經歷銜生平耆學慕古蓄書極富至今談收藏者猶稱甘氏津逮樓焉卒年六十有七著有保嬰齋日記鍾秀錄越四年以孝義旌弟遐年字鶴籌國子生母龔抱疾瀕危割股和藥以進疾頓瘳母卒居喪盡禮哀毀骨立三年未嘗見齒嘉慶中修府志里人將采其行載之固辭乃止未幾卒道光六年以孝行旌與

兄福皆入祀孝悌祠

采甘氏家乘

汪熙字庶平上元人年二十卽代父理家政未嘗取一非分財雖匱乏而供膳豐腴時物非奉親不敢先嘗母有故疾發動時侍視

左右弗避穢褻母卒與父偕臥起父性嚴偶有忤命之跪則跪加以小杖亦順受不敢少拂親意卒年七十有二遺命葬親側子度諸生時同縣孫繼聲字佩恆居高橋門青獅岡內行敦篤親沒哀感盡禮每日向空拜祭祀必誠潔年八十餘不衰與人言惟以孝道相勸勉人望而知爲善士又馮鑑泉佚其名亦上元人家貧業估事兄惟謹終身不娶有所得必以資兄兄卒嫂臥疾十餘年盡心醫療遺子女四人皆教養婚嫁之

采保彝齋日記白下瑣言

張長鈞字運衡句容人唐孝子常洧之後也居縣西門外父慶闡字松軒副貢生性廉介長鈞事親孝繼母趙病侍湯藥不離污穢之具皆自滌之會歲試同學某冀得首選求其文許以白金五十兩長鈞曰日有食夜得寢焉用此爲卻之其方正如此宗人博遠字禹成與弟厚遠俱英妙人目之爲雙璧未幾弟卒父永年終歲

如之卹困乏排爭競皆爲里中所重卒年六十時同縣吳祖新字
翹西諸生父某官翰林旅卒山東祖新哭之慟知縣林光照索其
遺文繕寫獻之王民表稱祖新爲真孝子周禮字維寅居劉巷父
紹岳卒未葬家人不戒於火廬舍盡燬禮以身蔽柩呼號不去而
火竟熄會歲大饑捐重貲以助振復爲食於路鄰里多取給焉倪
士極居湯塘性孝友館於鄰里而定省不廢竝能得大母歡叔父
瞻淇兄介眉早卒士極爲瞻淇妾俞介眉妻裴請旌表以光潛

德後以優貢生終

采訪

周儀鳳字鳴岐溧水人少孤貧母教之嚴旣補諸生充拔貢不忍
離母遂課徒以供甘旨不圖仕進焉著有燈火宵勤文集同縣陶
白超字元度少失母父不復娶自超朝夕隨父側家貧力學補縣

學生父老病侍疾二十餘年不懈晚選授潛山教諭以善教稱

據采

毛在轍溧水人性至孝家貧不娶晨夕躬執炊爨以養母爲鄰家傭偶得甘旨必歸遺母嘗拾遺金八十兩持以白母母命待其人還之其人酬以金不受卒後以孝旌門稍後有芮鴻字少鳴母

疾篤刲股愈之撫諸弟有恩卹族戚之孤寒者時同縣刲股療祖母疾者則有嚴世齡療父疾者則有湯家榮療母疾者又有馮秉

起薛孝彩

據采訪

蔣襄培字占南高淳人父篤臣有隱德年九十五猶健襄培侍奉不離左右及居喪年逾六十矣寢處苦塊者數月與從弟際培朝夕追從極其友愛耆古能文羣以爲張自超後一人而已竟以歲貢生終時同縣李國器字待軒父杜早卒母許以遺腹生國器國

器家實事母孝勤學不倦既和諸生嘗節於外一食食母未嘗者
不忍食一寢處母未有者不忍居母沒爲請旌表不惜貲盡著
有五經旁註訓後錄待軒詩稿下志字以南亦諸生晉忠貞公壺
之裔也父懷瑗性雅淡志侍養於家不干外事母病數載日夜扶
持衣不解帶及父母俱沒於別業中供木主朝夕上食以爲常志
宗人煥芳性耿介能文篤於友誼舉動必以禮春秋祭奠前三日
致齋屆期肅衣迎入上食盥洗自晨至食時方畢若戀戀不忍舍
者趙鴻諸生平生宗仰理學以躬行實踐自期每日正襟危坐功
過必自錄母卒哀毀水漿不入口友力勸之乃進勺飲三年中號
泣無時終身猶孺慕焉王長駕字遠馭號少眉父早逝每祭必泣
事母先意承志文名甚重以舉人終陳克璋事母孝出必告告必
揖人皆以迂目之母病侍湯藥不解衣者數月及母卒哀毀傷肝

死王錦翰家貧孝親母卒廬墓三年谷振質家貧事母孝甘旨固缺出入必請命年七十猶爲母滌溺器無倦容

采訪

王肇元字善之上元人少有至性年十一母蔡病甚籲天乞代嘗糞驗差否而愈旣補諸生歲以所得脩脯具甘旨非義一介不取嘗館上元縣署有覬說訟事者願具百金爲堂上壽峻拒之母有姪懋鏞負雋才家貧足跛肇元承親志教之學間日過其家爲講畫而卻其贄課徒不求速效執經者戶外屢滿道光二十六年舉於鄉嘗一上計車或勸就揀選門弟子具裝以請肇元泫然曰祿不逮養吾何官爲遂不赴二十九年水災與縣丞王恩培醵金購餅餌以食饑者暑潦中躬棹小舟悉心振散晚年境益窘猶勤業不輟卒年七十有五著有槐堂遺集懋鏞江甯人後舉咸豐丁卯順天鄉試同時江甯翁模塤字峻之廩生性和易事母孝嘗昕夕

豐中避難江陰遇親友流離者皆分食以濟之時人尤服其高義
模塘同縣傅遇年字靜延以進士官蘇州教授嘗刲股療親疾云
王景芬原名學淵字鏡潭江甯人諸生工醫精形家言與弟景琛
本源葆恬皆孝友父病危景芬步禱茅山膝行登降血殷履襪父
疾尋愈久而後卒咸豐癸丑之亂葆恬不食而死景芬以父匱陷
賊卡內偕本源躬率徒黨乘夜移出別葬之亂定還里析產獨取
瘠者曰此舉非得已也敢有私心乎年七十卒景琛本名國琛字
南珍道光十五年舉人本源字雨香國子生工繪事善詩詞葆恬
字子愉諸生時自賊中遷親喪出卡者又有周椿年字梅溪少孤
事母孝母卒於城中妻陳廣西右江道維屏之女也昇出淺葬之
懼爲賊毀遣報椿年於朱門鄉椿年間信悲號夜入賊中負以出

寄痊於謝氏塋哀毀不勝未免喪而卒

采王氏傳畧及縣志

蔡琳字紫函江甯人博學耆古爲名諸生咸豐二年舉於鄉三年春應禮部試甫抵京聞江甯陷琳以母在城裝未解卽回車星夜抵金陵望城而泣百計籌所以救母出者日往來於鷺洲小航近城地以數百錢置少食物僞爲出賣者漸得入賊卡遇城中人出因得母耗又百計以迎之始得脫當是時江甯人多陷賊中丈夫或死或逃惟婦女艱於行自分必死卽其夫若子亦無能畫一策以救之自琳出其母乃競以智力財賄各迎其眷屬脫者以萬計皆由琳啓之也琳旣免母難旅食江淮者數載九年成進士授刑部主事升員外郎提調律例館京秩清苦安貧守正義所不可凜然難犯以勞瘁嬰疾乞歸弟子朱恩海見其羸病欲躬送之琳不可則謬謂當歸省附舟同行琳卒於清江浦恩海懼舟人知之內